

Uunga siunnersuut: Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-imeersoq
(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Saqqummiussissut

Siullermeerinnineq

Naalakkersuisut sinnerlugit matumuuna saqqummiuppara Inatsisartut inatsisissaattut siunnersuut, Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsinissamut atatillugu.

Siunnersuummi pineqarput aalajangersakkat sumiiffinni suliniutinik ingerlatsiviusuni, suliniutit kulturikkut kingornussanut sunniutigisartagaannik nalilersuisarnerit pillugit, sumiiffinni eqqissimatitsiviusuni imaluunniit allatigut kulturikkut eriagisassanik kulturikkut illersuinermik pilersitsinissamik isumaliuteqartoqartillugu periaasissat pillugit aalajangersakkat. Assigisaanillu aamma pisuni suliamik ingerlatsisoqartillugu immikkut akuersissuteqartoqarnissaanut atasumik, sumiiffimmut eqqissimatitsiviusumut inatsisitigut aalajangersakkanik allatigulluunniit eriagisassanik kulturikkut kingornussatut illersuinermut aalajangersakkanik saneqqutsinnaaneq. Aalajangersagaq ilutigisaanik aamma ataatsimut isigisumik nunatsinni kulturikkut kingornussat illersorneqarnerannik sakkortunerulersitsineruvoq, tamatumani aamma siunissami UNESCO-mi nunarsuarmit kingornussaasa allattorsimaffiannut ilanngussassanik qinnuteqartarnissanut atatillugu.

Siunnersuummuttaaq aamma tunuliaqutaavoq isumaliutaammat Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersornerullutik Oqartussat nalunaarutaata nr. 7, 17. juni 1992-imeersup nutarterneqarnissaa. Tamatumunnga atatillugu pissusissamisoortinneqarmat Nunami Allanngutsaaliugaasumi Kalaallit Nunaata Avannaani Kangianilu illersuinermut aalajangersakkat erseqqissaavigineqarnissaat.

Tamatumalu saniatigut siunnersuut aamma imaqarpoq illunik eqqissimatitaasunik aserfallatsaaliisarnermut aalajangersakkat erseqqissaavigineqarnerannik. Aalajangersakkani atuuttuni misilittakkat naapertorlugit pissusissamisoortinneqarmat malittarisassat erseqqinnerulersikkumallugit ataatsimut isigaluni allanngortinneqarnissaat.

Taamatut oqaaseqarluta siunnersuut Inatsisartunut inussiarnersumik suliassanngortipparput.